

四庫全書

史部

欽定四庫全書

御批資治通鑑綱目卷二十五下

庚宋元嘉十七年魏
辰太平真君元年

春正月沮渠無諱寇魏酒泉考異

寇當作侵
或作攻

考證

寇當作入

涼之亡也牧犍之弟無諱出
奔敦煌至是寇酒泉拔之

質實

敦煌郡名注見漢
武帝元朔三年酒

泉郡名注

同上年

書法

蒙遜之滅西涼也歆弟李恂奔北山既而據
郡綱目書曰涼李恂入敦煌稱刺史無譏辭

也無諱亦牧犍弟也涼亡出奔敦煌至是攻酒泉
而拔之則曷為書魏酒泉且斥以寇沮渠再世魏

爵既被伐而降矣涼之故土皆魏土也於是出而
竊地非寇何哉綱目之子孫也審矣其辨名分也
嚴矣故前年於分注書涼亡據李恂是年分注猶
書改元永建次年分注始書西涼亡今年書寇至
受宋爵王河西則綱
目以爵卒之無貶焉

夏四月朔日食○六月魏大赦改元考證

赦下雷
書境內

取寇諫之神
書之文也

書法

改元不書改元此何以書譏也於是改曰太
平真君取寇諫之神書之文也故書譏之是

故漢好言者之諛而改元章和則書改元章帝章
和元年魏惑諫之誕而改元真君則書改元是
年隋信袁充之誣而改元仁壽則
書改元文帝仁壽元年皆譏之也

秋七月魏討禿髮保周殺之沮渠無諱降考異

據上書保周叛

則此殺字當作誅

○冬十月宋領軍劉湛有罪誅以彭城王義

康為江州刺史江夏王義恭為司徒錄尚書事始興王

濬為揚州刺史

宋司徒義康專總朝權宋主羸疾積年屢至危殆義康盡心營奉藥石非親嘗不進或連夕不寐性好吏職糾剔精盡凡所陳奏入無不可方伯以下並令選用生殺大吏或以錄命斷之勢傾遠近朝野幅幘義康傾身引接未嘗懈倦士之幹練者多被意遇嘗謂劉湛曰王敬弘王球之屬竟何所堪坐取富貴復那可解然素無學術不識大體朝士有才用者皆引入已府府僚無施及忤旨者乃斥為臺官自謂兄弟至

親不復存君臣形迹置私備六十人四方獻饋皆以
上品薦義康而以次者供御領軍劉湛與僕射殷景
仁有隙欲倚義康以傾之義康權勢已盛湛愈推崇
之無復人臣之禮宋主浸不能平湛初入朝宋主恩
禮甚厚湛善論治道詣前代故事敘致銓理聽者忘
疲每入雲龍門不夕不出及是宋主意雖內離而接
遇不改嘗謂所親曰劉班初自西還與語常視日早
晚慮其將去比入吾亦視日早晚苦其不去殷景仁
密言於宋主曰相王權重非社稷計宜少裁抑宋主
然之義康長史劉斌王履劉敬文孔肩秀等皆以傾
諂有寵宋主嘗疾罵使義康具禍命詔義康還省流
涕以告湛及景仁湛曰天下艱難詎是幼主所御義
康景仁皆不答而肩秀等輒就尚書議曹索晉立康
帝舊事義康不知也及宋主疾瘳微聞之而斌等密
謀欲使大業終歸義康遂邀結朋黨伺察禁省有不
與已同者必百方構陷之由是主相之勢分矣既而

湛遭母憂去職謂所親曰常日正賴口舌爭之故得
推遷今既窮毒無復此望禍至其能久乎至是宋主
收湛下詔誅之及弒等八人義康上表遜位詔以為
江州刺史出鎮豫章初殷景仁卧疾五年雖不見上
而密函去來日以十數朝政大小必以咨之影迹周
密莫有窺其際者收湛之日景仁使拂拭衣冠左右
莫曉其意至夜聞召猶稱脚疾以小牀輿就坐誅討
處分一皆委之初檀道濟薦吳興沈慶之忠謹曉兵
宋主使領隊防東掖門劉湛謂曰卿在省歲久比當
相論慶之正色曰下官在省十年自應得轉不復以
此仰累收湛之夕宋主召之慶之戎服縛袴而入宋
主曰卿何意乃爾急裝慶之曰夜半喚隊主不容緩
服乃遣收劉斌殺之將軍徐湛之與義康尤親厚被
收當死其母會稽公主於兄弟為長嫡素為上所禮
家事大小必咨而後行高祖微時自於新洲伐荻有
衲布衫襖臧皇后手所作也既貴以付公主曰後世

有驕奢不節者可以此衣示之至是公主入見號哭以錦囊盛袖衣擲地曰汝家本貧賤此是我母為汝父所作今日得一飽餐遽欲殺我兒邪宋主乃赦之王履叔父球為吏部尚書簡淡有美名為宋主所重以履性進利屢戒之不從至是履徒跣告球球曰常日語汝云何履懼不能對球徐曰阿父在汝亦何憂宋主以球故竟免履死廢於家義康用事人爭求親暱唯主薄江湛早能自疎求出為武陵內史檀道濟嘗為子求昏於湛湛固辭道濟因義康以請湛拒之愈堅故不染於二公之難義康停省十餘日奉辭下者上唯對之慟哭餘無所言義康問沙門慧琳曰弟子有還理否琳曰恨公不讀數百卷書初吳興太守謝述累佐義康數有規益早卒至是義康歎曰昔謝述唯勸吾退劉班唯勸吾進今班存而述死其欺也宜哉宋主亦曰謝述若存義康必不至此以蕭斌為義康詔議參軍領豫章太守事無大小皆以委之使

將軍蕭承之將兵防守資奉優厚信賜相繫久之宋
主就會稽公主宴集甚謹主起再拜悲不自勝曰車
子歲暮必不為陛下所容今特請其命因慟哭宋主
亦流涕指蔣山曰若違今誓便是負初寧陵即封所
飲酒賜義康故終主之身義康得無恙司馬公曰文
帝之於義康兄弟之情其始非不隆也終於失兄弟
之歡虧君臣之義迹其亂階正由劉湛權利之心無
有厭已詩云貪人敗類具是之謂乎○義恭慙彭城
之敗雖為總錄奉行文書而已宋主乃安之景仁為
揚州刺史尋卒以王球為僕射始興王濬為揚州刺
史范曄沈演之為左右衛將軍對掌禁旅庾炳之為
吏部郎俱參機密曄寤之孫也有偶才而薄情淺行
數犯名教為士流所鄙性躁競自謂才用不盡常快
快不得志吏部尚書何尚之言於宋主曰范曄志趨
異常請出為廣州刺史若在内疊成不得不加鉞鉞
鉞亟行非國家之美也宋主曰始誅劉湛復遷范

瞽人將謂卿等不能容才朕信受**集覽**以錄命斷之
讒言但共知其如此無能為害也

集覽

直用錄尚書

之命决斷之不復奏聞也無施猶言無能為之人劉
班劉湛小字班獸故曰劉班顧命詔書顧命篇注臨

終之命曰顧命馬氏云王將崩顧念太子命大臣輔
相之也蔡氏集傳曰鄭玄云回首曰顧臨死回顧而

發命也索晉立康帝舊事索取也晉成帝崩庾永以
帝二子皆在襁褓恐易世後親屬愈疏請以母弟琅

邪王岳立之是為康帝今孔肩秀索此故事意欲立
義康也窮毒我今窮苦而遭毒害也列子楊朱篇此

天人窮毒者也資奉資給奉祿也奉讀曰俸車子彭
城王義康小字初寧陵武帝陵墓也貪人敗類詩桑

柔篇文注貪人貪惡之人類善也箋云類等夷也敗
伯邁反文公集傳曰敗類猶言圯族也亟行亟去吏

反頻也**質實**幅輳注見漢文帝六年江州注見漢武帝
數也**質實**元鼎五年吳興郡名注見明帝泰始二年

沈慶之武康人徐湛之東海郟人羨之從孫也新洲未詳處所江湛陳留考城人夷之子下渚杜預曰小淵曰渚又水名按一統志應天府西南三十里有投書渚乃晉殷羨為豫章守赴郡人多附書行至此以書擲水中祝曰沈者自沈浮者自浮殷洪喬不作致武帝之后蔣山注見梁武帝太清二年鍾山初寧陵注見武帝永初三年始興郡名注見晉愍帝建興三年范曄南陽順陽人泰之子沈演之吳興人鈇鉞注見漢獻帝建安十八年

發明

論者謂義康但知兄弟之親未識君臣之義以臣觀之義康亦未能盡兄弟之理者也何

則子路問聞斯行諸子曰有父兄在如之何其聞斯行之義康於義為臣於親為弟豈有生殺大事或以錄命斷之至於四方獻饋皆以上品自奉而

以次者供御其為不恭厥兄不亦甚乎彼小人但

知推崇勢要以為已利不知權位已極終將何之
宜乎不免顛沛之禍也然則綱目於義康何以無
貶曰上書劉湛有罪誅湛推奉義康者也湛既有
罪則累及義康矣何得謂之無貶曰若是則義康
將若之何形迹未露則忠勤匪懈恭恪小心形迹
既露則闔門適迹祈保天年斯亦庶乎其可也刺
江州督交廣寧王爵尚可為乎噫

辛宋元嘉十八年魏
已太平真君二年

春正月宋以彭城王義康為都督

江交廣州軍事考異

為字美

義康至豫章解刺史以為都督三州軍事前龍驤將
軍扶令育上表曰彭城王先朝之愛子陛下之次弟
若有迷謬之愆正可導以義方奈何一旦黜削遠送
南垂萬一義康年窮命盡奄忽于南臣雖微賤竊為

陛下羞之陛下徒知惡枝之宜伐宜知伐枝之傷樹
乎願亟召還兄弟協和君臣輯睦則四海之望塞多
言之路絕矣表奏賜死裴子野曰夫在上為善若雲
行雨施萬物受其賜及其惡也若天裂地震萬物所
驚駭誰弗知見豈戮一人鉗一口所能弭滅哉是皆
不勝其忿而有增於疾疹也以太祖之含弘尚掩耳
於彭城之戮自此以後誰易由言有宋累葉罕聞直
諒宜骨鯁之氣俗愧前古抑時王之刑政使之然乎
張約隕於權臣扶育艷於集覽誰易由言易輕也由
哲后宋之鼎鑊吁可畏哉於也謂誰人復敢輕
易於上言也詩小弁
篇君子無易由言
質實豫章郡名注見漢
魏新興王俊謀反伏誅質實新興郡名注見晉
伐酒泉克之

魏以沮渠無諱終為邊患遣兵伐質實流沙河名注見漢元帝初

之拔酒泉無諱乃謀西渡流沙越山流經城南二十里東入岷江一名流沙河

元三年又按一統志黎州安撫司有漢水源出飛

楊難當寇宋漢川宋遣兵討之考異寇當作擊考證寇當作擊

難當傾國寇宋邊謀據蜀上遣其將符冲出東洛宋梁秦刺史劉真道擊斬之難當攻拔葭萌遂圍涪城

不克而還十二月宋遣龍驤將軍裴方明等討之質實漢川郡名注見周赧王四年漢中東洛疑

地名未詳處所葭萌縣名注見漢光武建武十二年

宋晉寧郡反討平之質實一統志云晉寧古地名漢為滇池縣地晉隆安初置寧州

宋改晉寧郡齊梁因之唐武德初置昆州及晉寧縣後蒙氏段氏皆為陽城堡部元初立陽城堡萬戶府至元中復為晉寧州本朝因之改屬雲南府

壬宋元嘉十九年魏年太平真君三年

春正月魏主詣道壇受符籙

魏寇諫之言於魏主曰陛下以真君御世建靜輪天宮之法開古以來未有也應登受符書以彰聖德魏主從之自是每世即位皆受符籙諫之又奏作靜輪宮必令其高不聞鷄犬欲以上接天神崔浩亦勸為之功費萬計經年不成太子晃諫曰天人道殊卑高定分不可相接理在必然今耗府庫疲百姓為無益之事將安用之不聽

書法

漢章帝幸孔子宅則書詣尊師也此道壇也亦書詣何以見其尊非所尊也美惡不嫌同

辭書受錄始此終綱目人主書受錄者有三
是年唐會昌元年武宗會昌六年宣宗

發明

綱目書漢肅宗至魯詣孔子宅者變文起義不徇流俗以示尊師重道也書魏主詣道壇

受符錄者因情定義隨俗所稱以見崇尚異端也且夫符錄之事前所未聞而始見於此魏主虔恭受之自宜神物後先而乃其身不保然則果何益哉後之欲尊奉道錄者可以觀矣

夏四月沮渠無諱西據鄯善李寶入據敦煌

沮渠無諱將萬餘家棄敦煌西據鄯善其士卒經流沙溺死者大半鄯善王比龍將其衆奔且末李寶自伊吾帥衆二千人據敦煌繕脩城府安集故民而奉表於魏沮渠牧犍之亡也涼州人關爽據高昌唐契為柔然所迫擁衆西趨高昌欲奪其地契死弟和收餘衆奔車師前部拔高寧自力二城遣使請降於魏

集覽

且末西域國都於且末城因以為號在鄯善國

明帝永平十五年高昌西域國都交河城在鄯善北

伊吾南漢車師前王故地也地勢高敞人庶昌盛因

名高昌質實夜煌郡名注見漢武帝元朔三年高昌西

唐中宗景龍二年未然北狄國

五月宋討楊難當平之魏人救之不克考異討字當考

證討當
作擊

裴方明等至漢中與劉真道分兵攻武興下辯白水

皆取之楊難當遣苻弘祖守蘭皋以其子和為後繼

方明與戰大破之斬弘祖和退走難當奔上邽獲其

尺子保熾又獲其子虎送建康斬之仇池平以胡崇

八

之為北秦州刺史鎮其地立保熾為楊玄後守仇池
魏人迎難當詣平城真道方明竟生匪金寶善馬下

死集覽武興今沔州古武興郡也本漢祖縣地西魏
置興州宋改沔州在隴西下辯注見漢獻帝

建安二十二年白水駟按如淳曰白水地名昔灼曰
今廣魏縣也索隱曰白水水名出武都經隴西西縣

東南按武都今階州是括地志云白馬水源出文州
北水縣西南會經孫山下離騷經曰朝吾將濟於白

水晦庵集註云隴南子言白水出崑崙之山蘭阜城
名今鞏昌路蘭州是在隴西離騷經曰步余馬於蘭

皋注澤曲曰皋其中有蘭故名蘭
皋仇池注見晉惠帝元康六年質實漢中郡名注

年一統志云武興晉之縣名屬武都郡宋初因之後
省焉故址在漢中府畧陽縣南白水縣名未詳處所

書法

書討而救
罪救者也

秋七月晦日食○九月沮渠無諱襲據高昌宋以無諱為河西王

唐契之攻闕爽也爽遣使詐降于沮渠無諱欲與之共擊契八月無諱將其衆趨高昌比至契已死爽閉門拒之九月無諱夜襲高昌屠其城爽奔柔然質實無諱據高昌遣使奉表于宋以無諱為河西王質實河西郡名注見漢武帝元狩二年

冬十月柔然遣使如宋○十二月宋脩孔子廟

詔魯郡脩孔子廟及學舍質實魯郡注見漢獻帝興平二年孔子廟

注見周太祖廣順二年

書法

自晉書李遼請脩孔子廟不報至是又五十年矣始書宋修嘉之也亦傷之也終綱目書

孔子廟三詳晉孝武帝太元十七年

魏以李寶為敦煌公○宋雍州蠻反

宋雍州刺史劉道產善為政民安其業小大豐贍由是民間有襄陽樂歌山蠻前後不可制者皆出緣汚為村落戶口殷盛道產卒蠻追送至汚口未幾羣蠻大動征西司馬朱脩之討之不利詔將軍沈慶之伐之殺虜質實雍州注見齊和帝中興元年汚口萬餘人質實注見漢獻帝建安十三年汚水

魏尚書李順有罪誅

魏主使李順差次羣臣賜以爵位順受賄品第不平魏主怒且以順保庇沮渠氏而欺誤國賜死集

覽

保庇沮渠氏先李順使涼受涼王金言涼無水草不可伐故云保庇

癸宋元嘉二十年魏太平安真君四年

春正月魏擊宋仇池取之

魏軍進至下辯宋將軍強玄明等敗死胡崇之集覽被擒餘衆走還漢中魏遂取仇池楊保熾走

強姓也音其兩反

烏洛侯國遣使如魏

初魏之居北荒也鑿石為廟在烏洛侯西北以祀其先高七十尺深九十步及烏洛侯使至言石廟具在魏主遣使致祭刻祀文於質實
平城縣名注見壁而還去平城四十餘里
漢高帝七年

夏四月魏殺其武都王楊保宗秋七月宋立楊文德為

武都王

魏河間公齊與武都王楊保宗封鎮維谷保宗弟文德說保宗閉險叛魏齊誘保宗殺之其屬苻達任壯遠舉兵立文德為王據白崖分兵取諸戍進圍仇池自號仇池公魏將軍占弼擊之文德退走皮豹子督關中軍至下辯聞仇池圍解欲還弼遣人謂曰宋人恥敗必將復來軍還之後再舉為難不若練兵蓄力以待之不出秋冬宋師必至以逸待勞無不克矣豹子從之文德遣使求援於宋七月宋以文德為征西大將軍武都王屯葭蘆**集覽**葭蘆城渡亦河經岐山城武都陰平氏多歸之三百四十里即其地也

質實

河間郡名注見漢帝立更始二年一統志云維谷未詳處所唯鞏昌府成縣西八十里有維谷

水雒一作駱唐太和初詔於駱谷築城廢上祿縣治於此未知是否白崖山名在漢中府洋縣北六十里

山有白石崖故名葭蘆城未詳處所惟延安府葭州西五里有葭蘆河岸多蘆葦故名宋元豐中於此立寨未知是否智者詳之陞平郡名注見漢後主炎興元年

九月魏主襲柔然走之

魏主如漢南捨輜重以輕騎襲柔然分軍為四道魏主至鹿渾谷遇救連可汗太子晃曰賊不意大軍猝至宜掩其不備速進擊之尙書劉黎曰賊營虛盛其衆必多不如須諸軍大集然後擊之晃曰虛盛者軍士驚擾也何得營上而有此塵乎魏主疑之不急擊柔然遁去追之不及獲其候騎曰柔然不覺魏軍至惶駭北走經六七日知無追者始乃徐行魏主深悔之自是軍國大事皆與晃謀之司馬楚之別將督軍糧柔然欲擊之俄而軍中有告失驢耳者楚之曰此必賊遣姦人入營覘伺割以為信耳賊至不久且急

為備乃伐柳為城以水灌之城立質實輜重注見周

而乘然至冰堅滑不可攻乃散走質實顯王三十六

年鹿渾谷未詳處所

劉黎長樂信都人

冬十一月宋人攻魏濁水戍敗績

宋將軍姜道盛與楊文德合眾攻魏質實濁水戍按

濁水戍魏皮豹子等救之道盛敗死質實一統志濁

水在鞏昌府西和縣境從長道縣

界穿大潭舊鎮合清水入階州

十二月魏主還平城

魏主還至朔方詔太子晃總百揆且曰諸功臣皆勤

勞日久應當以爵歸第隨時朝宴論道陳謨不宜復

煩以劇職更舉賢俊質實朔方郡名注見漢武帝元

以備百官遂還平城質實朔元年平城縣名注見漢

高帝七年百揆注見
晉安帝元興元年

甲宋元嘉二十一年春正月宋主耕籍田大赦考異下
甲魏太平真君五年

書境
魏太子晃總百揆考證
魏上當以圈隔
太子上漏以字

魏太子晃始總百揆以中書監穆壽司徒崔浩侍中
張黎古弼輔之弼忠慎質直嘗以上谷苑圍太廣乞
減太半以賜貧民魏主方與給事中劉樹園棋志不
在弼弼侍坐良久不獲陳聞忽起捽樹頭毆之曰朝
廷不治實爾之罪魏主失容曰不聽奏事朕之過也
樹何罪置之弼具以狀聞魏主可之弼曰為臣無禮
至此其罪大矣出詣公車免冠徒跣請罪魏主詔入
謂曰吾聞築社之役蹇蹇而築之端晃而害之神降
之福然則卿有何罪其冠履就職苟有可以利社稷
便百姓者竭力為之勿顧慮也晃課民稼穡使無牛

者借人牛而為之芸以償之凡耕種二十二畝而芸七畝大畧以是為率使民各標姓名於田首以知其勤惰禁飲酒遊戲集覽公車注見漢質實上谷郡名者於是墾田大增集覽文帝三年質實注見秦王

政三年

魏禁私養沙門巫覡

魏上詔王公以下至庶人有私養沙門巫覡者皆遣詣官過二月十五日不出沙門巫覡死主人門誅

質實

沙門僧名注見漢明帝永平八年巫覡注見五代漢隱帝乾祐三年

魏令公卿子弟皆入太學

魏詔王公卿大夫之子皆詣太學其百工商賈之子各習父兄之業毋得私立學校違者師死人門誅

二月魏尚書令劉絜有罪誅樂平王丕以憂卒

初魏尚書令劉絜久典機要恃寵自專魏主心惡之及將襲柔然絜諫曰蠕蠕遷徙無常前者出師勞而無功不如廣農積穀以待其來崔浩固勸魏主行魏主從之絜耻其言不用欲敗魏師魏主與諸將期會鹿渾谷絜矯詔易其期至鹿渾谷欲擊柔然絜又止之使待諸將留六日而諸將不至柔然遂遠適軍還糧盡士卒多死絜陰使人驚魏軍勸魏主委軍輕還不從又以軍出無功請治崔浩之罪魏主曰諸將失期遇賊不擊浩何罪也浩以絜矯詔事白魏主收絜囚之魏主之北行也絜私謂所親曰若車駕不反吾當立樂平王又聞尚書右丞張嵩家有圖識問曰劉氏應王吾有姓名否魏主聞之命有司窮治絜嵩皆夷三族絜好作威福諸將破敵得財物皆與分之既死籍其家財巨萬樂平戾王丕以憂卒初魏主築白

臺丕夢登其上四顧不見人命術士董道秀筮之曰吉丕默有喜色至是道秀亦坐棄市高允聞之曰夫筮者皆當依附爻象勸以忠孝王之間也道秀宜曰窮高為亢易曰亢龍有悔又曰高而無民皆不祥也王不可以不戒如此則王安於上集覽窮高為亢窮身全於下矣道秀反之宜其死也乾卦亢龍有悔窮之災也程子傳曰窮極而災至也易曰亢龍有悔又曰高而無民乾卦文言曰上九曰亢龍有悔何謂也子曰貴而無位高而無民賢人在下位而無輔是以動而有悔也子夏傳云亢極也廣雅云尚也程子傳曰九居上而不當尊位是以無民無輔動則有悔也朱子本義曰賢人在下位謂九五以下無輔以上九過高志滿不來補助之也又附錄曰亢龍有悔若占得此文必須以亢滿為戒質實圖識注見漢光武建武中元元年棄市注見秦始皇三十四年

宋以江夏王義恭為太尉○夏六月河西王沮渠無諱

卒弟安周代立考異

代立二字當作嗣

考證

當去沮渠二字

○魏罷舊

俗所祀胡神

魏入中國以來雖頗用古禮祀天地宗廟百神而猶循其舊俗所祀胡神甚衆崔浩請存其合於祀典者五十七所餘悉罷之魏主從之

秋八月魏主畋于河西

魏主詔以肥馬給獵騎尚書令古弼留守悉以弱馬給之魏主大怒欲還臺斬之弼官屬惶怖恐并坐誅弼曰吾為人臣不使人主盤于遊田其罪小不備不虞乏軍國之用其罪大今蠕蠕方強南寇未滅吾為

國遠慮雖死何傷且吾自為之非諸君之憂也魏主
聞之歎曰有臣如此國之寶也賜衣一襲他日復畋
於山北獲麋鹿數千頭詔尚書發牛車五百乘以運
之既而謂左右曰筆公必不與我汝輩不如自以馬
運之尋果得弼表曰秋穀懸黃麻菽布野猪鹿竊食
鳥鴈侵費風雨所耗朝夕三倍乞賜矜緩使得收載
魏主曰果如吾言筆公可謂社稷之集覽筆公按本
臣矣弼頭銳故魏主常以筆目之傳初明元
帝嘉其直而有用賜名曰筆後改名弼言其有輔佐
才也後太武帝怒罵曰尖頭奴以弼頭尖或命之曰
筆頭時人呼為筆公質實端端即柔然國也注見

書法

書魏畋何美從諫也綱目書田三惟魏太武
非譏辭書魏十三惟唐太宗非譏辭詳周顯

王十
四年

宋以衡陽王義季為兗州刺史南譙王義宣為荊州刺史

初宋主以義宣不才故不用會稽公主屢以為言宋主不得已用之先賜詔曰師護在西雖無殊績潔已節用通懷則物不恣群下聲著西土士庶所安論者未議逮之今之回換更為汝與師護年時一輩欲各試其能汝往脫有一事減之者遷代之譏必歸於吾矣義宣至鎮勤自課厲事亦脩理宋主餞義季於武帳岡將行敕諸子且勿食至會所設饌日旰不至皆有饑色乃謂曰汝曹少長豐佚不見百姓艱難今使汝曹識有饑苦知以節儉御物耳裴子野曰善乎太祖之訓也夫侈興於有餘儉生於不足欲其隱約莫若貧賤習其險艱利以任使達其情偽易以躬臨太祖若能帥此訓也堅其志操卑其禮秩教成德立然

後授以政事則無怠無荒可播之九服矣而崇榘榘祿迭據方岳國之存亡既不是繫早肆民上非善詢

也集覽

師護在西師護衡陽王義季小字也時為荊州刺史故云在西通懷朗物通懷開心見誠

之謂期物待人接物之謂乾卦聖人作而萬物覩程子傳曰物人也古語云人物物論謂人也質實

一統志云南譙古地名春秋時為吳楚之交戰國屬楚秦為九江郡地漢初屬淮南國元狩初復屬九江

郡三國為魏地晉屬淮南郡東晉於此僞置南譙郡宋置新昌郡梁置南譙州北齊徙南譙州於新昌郡

又改北譙州為臨滁郡隋初罷新昌郡改南譙州為滁州因滁水而名大業初州廢以其地屬江都郡唐

初復置滁州天寶初改為永陽郡乾元初復為滁州五代時楊吳南唐有其地後入於周宋屬淮南東路

元初為滁州路後復為州隸揚州路本朝以清派全椒來安三縣併入州隸鳳陽府尋復置全椒來安為

屬縣直隸京師武帳岡在應天府上元縣治東臺城內宋文帝閱武處文帝嘗以開酒禁宴於此敕諸子且勿食至會所賜饌日旰食不至有饑色乃戒之曰汝曹少長豐佚不見百姓艱難今使爾識有饑苦知

務節

柔然敕連可汗死子處羅可汗吐賀真立質實

柔然北狄國名

注見晉孝武帝太元十二年

○敦煌公李寶入朝于魏魏人留之質

實

敦煌郡名注見漢武帝元朔三年

乙宋元嘉二十二年西魏太平真君六年

春正月朔宋行元嘉歷

初宋太子率更令何承天撰元嘉新歷表上之以月食之衝知日所在又以中星驗之知堯時冬至日在

須女十度今在斗十七度又測景較二至差三日有餘知今之南至日應在斗十三四度於是更立新法冬至徙上三日五時日之所在移舊四度又月有遲疾前厯合朔月食不在朔望今皆以盈縮定其小餘以正朔望詔付外詳之太史令錢樂之等奏皆如承天所上唯月有類三大二小比舊為異謂宜仍舊詔可至是始行之初漢京房以十二律仲呂上生黃鍾不滿九寸更演為六十律樂之復演為三百六十律日當一管承天以為上下相生三分損益其一益古人簡易之法猶古厯周天三百六十五度四分度之一也而房不悟謬為六十乃更設新率林鍾長六寸一釐則從仲呂還得黃鍾十二旋宮聲韻無失

覽

測景樞要曰日光曰景禮大司徒以土圭之法測土深正日景以求地中注景如字或作影非新率

率與律通

質實

率更令官名注見元嘉十五年

聲之管也

書法

日食書朔記歷未有書朔者此其書朔何始
正朔也於是何承天以前歷合朔月食不在

朔望更撰新歷皆取羸縮定其小餘以正之詔以
是朔行焉故特書朔終綱目書歷之變十有九其

書朔者一而已詳
漢武帝太初二年

宋以武陵王駿為雍州刺史

宋主欲經畧關河質實
故以駿鎮襄陽
雍州刺史注見齊和帝中興
元年襄陽縣名注見漢獻帝

建安十
二年

三月魏詔中書以經義決疑獄

發明

魏以夷狄主中國行事一以華夏為法盛欲
以華變夷也春秋之法夷而進於夏則夏之

元魏之好尚如此其亦異乎蒙
古之所為此綱目所以予之

○夏四月魏伐鄯善質實

鄯善西域國名注見
漢武帝元鼎三年

北涼之亡也鄯善人以其地與魏鄰大懼曰通其使
人知我國虛實取亡必速乃閉斷魏道使者往來輒
鈔劫之由是西域不通者數
年魏主發涼州以西兵擊之

秋七月宋討羣蠻平之考異

討當
作擊

武陵王駿遣參軍沈慶之擊蠻破之蠻斷驛道欲攻
隨郡太守柳元景募得六七百人邀擊破之遂平羣
蠻獲十質實
武陵郡名注見漢光武建武二十四年
萬餘口
一統志云隨郡本春秋時隨國楚為隨
縣秦漢皆屬南陽郡晉屬義陽郡後分置隨郡西魏
置并州後改為隨州隋初郡廢後又置漢東郡治隨

縣唐初復為隨州以安貴平林順義三縣省入天寶初復改為漢東郡乾元初復為隨州宋初置崇義軍後又改為崇信軍紹興初復為隨州復因兵亂徙治無常元初治黃仙洞隸德安府本朝初廢州為縣後復置州以縣省入改屬德安府柳元景河東解人

鄯善降魏西域復通○八月魏徙雜民於北邊

魏主如陰山之北發諸州兵三分之一各於其州戒嚴以須後命徙諸種雜民五千餘家於北邊各就畜牧以餌質實陰山注見秦柔然王政三年

魏伐吐谷渾慕容延走據于闐

魏軍至寧頭城吐谷渾王慕容延擁其部落西度流沙入于闐殺其王據其地死者數萬人集覽

于闐注見漢武質實寧頭城未詳處所

帝元狩元年

九月魏盧水胡蓋吳反

魏民間訛言戒魏者吳盧水胡蓋吳聚眾反於杏城諸種胡爭應之有眾十餘萬表降于宋魏長安鎮將拓跋紇討之敗死吳眾愈盛分兵四掠魏主發并秦雍兵擊破之河東薛永宗復聚眾以應吳吳自號天台王置

集覽

蓋吳姓名蓋公蓋反

質實

盧水胡注見晉武帝元康六年杏城鎮名注見

漢獻帝建安十七年鄜河東郡名注見漢獻帝建安七年天台大詳處所若指為郡名乃唐時所置若指為縣名乃五代梁所置皆非此時所稱也或疑是山名在鳳翔府麟遊縣西五里唐九成宮之西未知孰是明者察焉并秦雍三州名并注見齊明帝建武三年秦注見漢光武建武元年天水雍注見唐玄宗開

元十一
年京兆

冬十一月魏人侵宋

魏選六州驍騎二萬分為二道掠淮泗以北徙青徐之民以實北河質實青徐二州名青注見漢桓
帝永康元年徐注見秦
始皇二十八年彭城

十二月宋太子詹事范曄謀反伏誅

初魯國孔熙先博學文史兼通數術有縱橫才志為
負外散騎侍郎憤憤不得志父默之為廣州刺史以
賊獲罪彭城王義康救解得免及義康遷豫章熙先
密懷報效且以為大文圖識宋主必以非道晏駕禍
由骨肉而江州應出天子以范曄志意不滿欲引與
同謀而素不為曄所重乃原結曄甥太子中舍人謝

綜綜引熙先見曄熙先家饒於財數與曄博故為拙
行以物輸之由是情好歎洽熙先乃從容說曄試宋
主立義康曄愕然熙先曰丈人雅譽過人讒夫側目
久矣比肩競逐庸可遂乎今建大勲奉賢哲圖難於
易以安易危豈可棄置而不取哉曄猶疑未決熙先
曰又有過於此者愚則未敢道耳曄曰何謂也熙先
曰丈人與蒯清通而不得連姻帝室人以犬豕相遇
而丈人曾不耻之欲為之死不亦惑乎曄門無內行
故熙先以此激之曄然不應反意乃決綜述之子
也素為義康所厚弟約又取其女丹陽尹徐湛之及
尼法靜皆義康黨並與熙先往來法靜妹夫許曜領
隊在臺許為內應熙先以牋書與義康陳陳詭圖識於
是密相署置及素所不善者並入死目又作檄文稱
賊臣趙伯符肆兵犯蹕禍流諸宰湛之曄等投命奮
戈斬伯符首今遣將軍臧質奉璽綬迎彭城王正位
宸極又詐作義康與湛之書令誅君側之惡宣示同

黨宋主之燕武帳岡也曄等謀以其日作亂許曜扣
刀目曄曄不敢發湛之恐事不濟密白其謀宋主乃
命有司收赴廷尉熙先望風吐欵詞氣不撓宋主奇
其才遣人慰勉之曰以卿之才而滯於集書省理應
有異志此乃我負卿也熙先於獄中上書謝恩且陳
圖識深戒宋主以骨肉之禍曄在獄為詩曰雖無嵇
生琴庶同夏侯色十二月曄綜熙先及其子弟黨與
皆伏誅曄母至市涕泣責曄曄色不怍妹及妓妾來
別曄悲涕流連綜曰舅殊不及夏侯色曄收淚而止
謝約不預逆謀凡綜與熙先遊常諫之曰此人輕事
好奇果銳無檢不可狎也綜母以子弟自蹈逆亂獨
不出視收籍曄家樂器服玩非皆珍麗妓妾不勝珠翠
母居止單陋唯有一厨盛焦蘄弟子冬無被叔父單
布衣裴子野曰劉弘仁范蔚宗皆恆志而貪權矜才
以狗逆累葉風素一朝而隕向集覽非道晏駕死非
之所謂智能翻為亡身之具矣其命也丈人易

師貞丈人注馬云丈人莊嚴之稱鄭云能以法度長
於人風俗通曰師貞丈人非徒取尊老亦須往行先
人也嵇生琴魏元帝時鍾會諧嵇康於司馬昭昭遂
害之將刑顧視日景索琴彈之曰廣陵散於今絕矣
按紫霞洞譜云嵇康嘗遊洛西暮宿華陽亭引琴而
彈夜分忽有客詣之稱是古人與康共談音律辭致
清辭因索琴彈之而為廣陵散聲調絕倫遂以授康
仍誓不傳人沈括曰盧氏雜說云韓阜謂嵇康琴曲
有廣陵散者以王凌母邱儉輩皆自廣陵敗散言魏
之散亡自廣陵始故名其曲曰廣陵散以予考之散
自是曲名如操弄慘淡序引之類故潘岳笙賦云輟
張女之哀彈流廣陵之名散又應璩與劉孔才書云
聽廣陵之清散以是知散是曲名明矣兼韻會載琴
曲廣陵散在寒字韻夏侯色三國魏主芳時李豐等
謀以夏侯玄輔政而誅司馬師謀泄下質實魯國注
元獄及就東市玄顏色不變舉動自若

祖廣順二年曲阜廣州注見秦始皇三十三年南海
從容注見漢後主延熙元年奕葉猶言奕世注見唐
高宗開耀元年檄文注見楚義帝元年臧質東莞呂
人燾之子誅君側之惡左傳文注見漢獻帝建安十三
年嵇生琴嵇康其先本上虞人姓奚以避怨徙譙家
于銍之嵇山因命氏焉康遠邁不群與魏宗室婚拜
中散大夫不就康嘗彈琴詠詩以自足後以諧被害
夏侯色夏侯玄沛國人悼侯尚之子魏齊王時累遷
中護軍後為征西將軍與曹爽共興賂谷之役時人
譏之及爽被誅召為大鴻臚因李豐張緝謀以玄輔
政欲誅司馬師事泄與豐等被殺皆夷
三族弘仁劉湛表字蔚宗范曄表字

發明

曄本無異謀特為熙先輩所怵然綱目止書
曄而不及餘人何也熙先小人仕不得志故

為非望侑倖之固初無足道曄自居要職受知世
王乃惑於邪說躬圖反逆故綱目正其首惡之誅

而畧其餘耳其書爵者非貴之也所以畧其職位
清顯不知自愛而徇小人為狂悖之謀重其罪也

宋廢其彭城王義康為庶人徙安成郡

宋有司奏削義康收付廷尉治罪詔免為庶人絕屬
籍徙安成郡以沈邵為安成相領兵防守義康在安
成讀書見淮南厲王事廢書歎曰

集覽

絕屬籍不得
為宗室親屬

自古有此我乃不知得罪宜矣

名籍淮南厲王事注見晉
武帝太康六年尺布斗粟

質實

安成郡注見晉
安帝元興元年

書法

自劉湛之誅再書義康綱目於其君臣無譏
辭雖賜扶令育死不書蓋亮宋也至是則書

廢書徙矣其書之何甚之也然則義康無罪乎熙
先賤義康陳國諷而已未嘗與聞反計也而廢徙
之且絕屬籍甚矣况終殺之乎故
其殺之也書殺其弟而斥宋主

宋始備郊廟之樂

初江左二郊無樂宗廟有歌
集覽二郊注見漢後主
無舞是歲南郊始設登歌

郊登歌顏師古曰工歌堂上貴人聲也故曰登歌歌
所以詠德或曰登歌者五帝三王之聲也漢明帝時

又采百官詩頌以為登歌周禮鼓制圖云太師登歌
令奏擊拊鄭玄云拊形如鼓以韋為之著之以糠也

書法書始何緩辭也宋氏有國幾三十年於是始
能備樂其慢於郊廟甚矣故書譏之凡宗廟

書始皆譏慢也惟北漢初
立七廟非譏辭丁巳年

丙戌
宋元嘉二十三年
魏太平真君七年
春正月魏主討蓋吳宋發兵援之

考異討當
作擊

欽定四庫全書

御批資治通鑑綱目

魏主軍至東雍州臨薛永宗壘崔浩曰永宗未知陛下自來衆心縱弛今北風迅疾宜急擊之魏主從之永宗出戰大敗赴水死其族人安都先據弘農棄城奔宋魏主聞蓋吳在長安北以渭北地無穀草欲渡渭南循渭而西崔浩曰夫擊蛇者先擊其首首破則尾不能掉今吳營去此六十里輕騎趨之一日可到破之必矣破吳南向長安亦不過一日一日之未致有傷若從南道則吳入北山猝未可平也魏主不從吳衆聞之悉散入北地山軍無所獲魏主悔之遂如長安所過誅民夷與吳通謀者諸軍大破吳於杏城吳復遣使求援於宋宋以吳為北集覽尾不能掉地公發雍梁兵屯境上為吳聲援

集覽

尾不能掉左傳尾大

不掉注掉搖

質實

一統志云東雍州本春秋時晉故絳縣與新田之郛戰國時屬魏漢為

河東郡臨汾縣地魏屬平陽郡後魏置平正郡兼置東雍州治栢壁後周改為絳州徙治玉壁隋初郡廢

徙州治東雍州城後改絳郡治正平縣唐復為絳州
宋仍舊金置絳陽軍節度後陞為晉安府元復為絳
州本朝因之以正平縣省入改屬平陽府長安縣名
注見漢惠帝五年渭北渭水之北注見漢高帝五年
渭南渭水之南注同上年北山注見漢文帝三年北
地郡名注見秦王政三年雍梁二州名雍注見漢獻
帝建安十二年襄陽梁
注見周赧王四年漢中

書法

書討而援
罪援者也

發明

前書魏蓋吳反此書魏討蓋吳曰反曰討其
義明矣宋乃發兵援之果何理也天下之惡
一也烏有遣兵助反虜而可威敵服人者
哉書法若此其罪宋人之意為如何邪吁

宋伐林邑

欽定四庫全書

御批資治通鑑綱目

二十一

初林邑王范陽邁雖貢奉於宋而寇盜不絕宋主遣交州刺史檀和之討之南陽宗慤家世儒素慤獨好武事常言願乘長風破萬里浪至是自請從軍和之進園區粟城遣慤為前鋒擊林邑別將破之集

覽

林邑注見漢後主建興四年

質實

交州注見唐宣宗大中十二年安南南陽郡名注見周報

王十七年宛區粟城未詳處所

三月魏誅沙門毀佛書佛像

魏信道士施謙之以黜沙門復因佛寺有兵殺詔無少長悉誅之秦照明禁一且盡行誅除可謂不殺而殺亦慘甚矣

魏主與崔浩皆信重寇謙之奉其道浩素不信佛法每言於魏主以為佛法虛誕為世費害宜悉除之及魏主至長安入佛寺沙門飲從官酒入其室見大旨兵器出以白魏主魏主怒曰此非沙門所用必與蓋吳通謀欲為亂耳命有司按誅闔寺沙門閱其財產天得釀具及窟室婦女浩因說魏主悉誅境內沙門

焚毀經像魏主從之詔曰昔後漢荒君信惑邪偽以
亂天常使政教不行禮義大壞九服之內鞠為邱墟
朕欲除偽定真滅其蹤跡有司其宣告征鎮諸有佛
像胡書皆擊破焚燒沙門無少長悉阮之自今以後
有事胡神及造泥人銅人者門誅太子晃素好佛法
屢諫不聽乃緩宣詔書使遠近豫聞之得各為計沙
門多亡匿獲免或收藏**集覽**窟室婦女穴地為室以
書像唯塔廟無復孑遺**集覽**窟室婦女穴地為室以
後主延熙十二年後漢荒君東漢明帝也述禮曰荒
明帝聞西域有神其名曰佛始遣使之天竺求其道
得其書及沙門以還九服禮夏官職方氏辨九服之
邦國方千里曰甸王畿其外有九服曰侯服曰甸服曰
男服曰采服曰衛服曰蠻服曰夷服曰鎮服曰藩服
各去其外方五百里每邊四十五百里四守者距一
萬里謂之服者責以服事天子為職也又大司馬以
九畿之籍施邦國之政案九畿之與九服名雖異而

制則同征鎮諸郡太守皆領征鎮或曰太質實沙門

守守土而已征鎮者主征伐鎮面相也

永平八年

書法

誅者何罪辭也罪者長安佛者耳境內沙門

蠹其為罪也大矣終綱目沙門書誅三是年陳甲午年周廢

然皆不數年而復魏七年周六年唐不一年雖至

沙汰僧道亦不一二月而罷異

端撲滅之難如此可勝嘆哉

發明

自佛入中國人皆敬奉其法以求福利未有

正不惑者矣然世之議者或以魏主不得其終為

毀佛之報抑不知梁主行奉佛尤篤得禍尤慘豈

佛獨靈於魏而不靈於梁耶要知人之禍福自繫乎善惡之積而奉佛與否初無預也夫綱目有罪則書誅無罪則書赦今沙門者崇信其法以脩行其所謂善初非有可名之罪而綱目乃以誅書之何哉居中國而從夷狄捨王道而尚異端棄君臣絕父子滅人倫毀形體游手游食以耗蠹平民至於藏姦蓄穢淫汙雜排又有不可勝言者是果有罪耶無罪耶書之曰誅所謂原其情而定其實耳夫豈過哉後之欲敬禮沙門者要當以是為的○邱濬曰嗚呼人君之於民其賢者智者固當愛之其愚者不肖者亦當憐之故民有忤於教違於禮犯於法者必先原其心察其情而推究其所自苟上之所不為而又明有禁令而民犯之違之忤之然後罪之誅之彼固其心而受也上之人分明為之而又無禁令一旦不分彼此施之以一切之刑則彼固有辭矣元魏之誅沙門雖若痛快人心然

未嘗先有禁約之令限斷之期而即加之以不可復生之刑使之欲改過而無由亦云慘矣况其心偏有所向非一於扶正教以開邪說也安能服其心哉

魏人侵宋

初魏移書於宋以南國僑立諸州多濫北境名號人欲遊獵具區宋人答曰必若因土立州則彼立徐揚宜有其地如欲觀化南國則呼韓入漢厥儀未泯館郎饋餼每存豐厚至是魏人侵宋北邊宋主以為憂咨謀羣臣御史中丞何承天言凡備匈奴之策不過二科武夫盡征伐之謀儒生講和親之約今若欲追蹤衛霍自非大田淮泗內實青徐使民有贏儲野有積穀然後發卒十萬一舉蕩夷則不足為也若但欲遣軍追討報其侵暴則彼輕騎奔走不肯會戰徒興巨費不損於彼報復之役遂將無已斯策之最末者

也唯安邊固守於計為長耳夫曹孫之霸才均智敵
江淮之間不居各數百里何者斥候之郊非耕牧之
地故堅壁清野以候其來整甲繕兵以乘其弊保民
全境不出此塗要而歸之其策有四一曰移遠就近
今青兗舊民及冀州新附在首界者三萬餘家可悉
徙置大峴之南以實內地二曰多築城邑以居新徙
之家假其經用春夏佃牧秋冬入保寇至之時一城
千家戰士不下二千其餘羸弱猶能登陴鼓譟足抗
羣虜三萬矣三曰纂偶車牛以載糧械計千家之資
不下五百耦牛為車五百兩參合鉤連以衛其衆設
使城不可固平行趨險賊不能干有急徵發信宿可
聚四曰計丁課仗凡戰士二千隨其便能各自有仗
素所服習銘刻山已還保輸之於庫出行請以自新
弓薊利鐵民不得者官以漸充之數年之內軍用粗
備矣近郡之師遠屯清濟功費既重嗟怨亦深以臣
料之未若即用彼衆之易也今因民所利導而帥之

兵強而敵不戒國富而民不勞比於優集覽具區禮
復隊伍坐食糧廩者不可同年而校矣職方氏

東南曰揚州其澤藪曰具區注大澤曰藪具區在吳
南禹貢震澤底定蔡氏傳曰震澤太湖也即禮所謂
具區在吳都西南五十里吳都今蕪州吳縣也索隱
曰吳縣具區古文作震澤左傳稱笠澤呼韓入漢呼
韓邪匈奴單于之號漢宣帝五鳳元年其國人共立
稽侯緡為呼韓邪單于甘露二年款塞請朝漢寵以
殊禮又光武建武中八部大人共立日逐王比為呼
韓邪單于款塞願為藩蔽館邯饋餼周禮市有館館
有積以待朝聘之客邸諸侯來朝所舍也饋餉也饋
客芻米曰餼衛霍衛青霍去病漢武帝時擊匈奴大
覘注見晉安帝義熙五年登陴注見梁武帝天監三
年纂偶纂集而此偶耦牛說文耦廣五寸為伐二伐
為耦前漢志后稷始畊田以二耜為耦注併兩耜而
耕也弓斡方與斡也斡箭斡也字與奇竿通斡音桿

質實

一統志云具區即太湖在常州府城東南一百里連武進無錫宜興三縣界禹貢謂之震澤爾

雅謂之具區周迴三萬六千頃亦名五湖也淮泗二水名淮注見漢後主延興二年泗注見秦始皇二十

八年曹操謂曹操孫權也斥候注見漢武帝建元元年

發明

自南北分統彼此交侵師出未嘗有名今宋人近有蓋吳之援若可問罪而魏則未能也

潛師入境果何為哉書人書侵益陋之也

魏上邽東城反州兵討平之

魏金城邊固天水梁會與秦益雜民萬餘戶據上邽東城反攻逼西城秦益刺史封敕文拒却之氏羌及休官屠各數萬人皆起兵應固會敕文擊宮斬之餘衆推會為主魏主遣兵討之未至會棄城走敕文先

掘重塹於外嚴兵守之格闘從夜至旦救文曰賊知
無生路致死於我多殺士卒未易克也乃以白虎幡
宣告降者赦之會集覽休官屠各漢武帝時匈奴有
衆遂潰追討平之休屠王此言休官屠各按即
休屠王之遺種也正誤休官屠各今按休官屠各二
休音朽屠直於反種夷也休官雖夷部落之名
孝武帝時休官權十成據天水顯親縣自稱秦州牧
晉時北狄入居塞內者十九種屠各最豪貴統理諸種
休如字質實金城郡名注見漢武帝元狩二年天水
屠音除質實邵名注見漢光武建武元年上邽縣名
漢初所置屬隴西郡晉天水郡治此隋因之唐廢故
址在鞏昌府秦州境秦益二州名秦注見漢光武建
武元年益注見晉
武帝泰始八年

宋師克林邑

檀和之等拔臨粟斬其將乘勝入象浦林邑王陽邁
傾國來戰以具裝被象前後無際宗慤曰吾聞外國
有獅子威服百獸乃製其形與象相拒象果驚走和
之遂克林邑陽邁父子挺身走所獲未名之寶不可
勝計慤一無所取還
集覽衣櫛蕭然蕭然謂蕭條寂
寂之日衣櫛蕭然
家亦全無
質實象浦未詳處所獅子物理論獅子狻
行案矣
色有聲而尾端茸毛大如斗銅頭鐵額鉤爪鋸牙弭
目跪足目光如電聲吼如雷能食虎豹外國所產毛
羣之長也西國能馴
養獅子因以名國

夏六月朔日食○魏築塞園

魏發司幽定冀十萬人築畿上
質實司幽定冀四州
塞園起上谷西至河廣縱千里
名司注見秦莊

襄王元年三川幽注見唐高祖武德四年定注見周
威烈王二十三年中山冀注見秦二世二年信都河

即黃河注見五代
漢隱帝乾祐三年

宋築北隄立玄武湖起景陽山於華林園質實

玄武湖
注見梁

武帝太清二年華林
園注見元嘉元年

書法

書重民力也終綱目書作隄四立湖一起山
二漢後主建興十五年是年餘詳漢明帝永

平十
二年

○秋七月宋以杜坦為青州刺史

初杜預之子耽避晉亂居河西仕張氏秦克涼州子
孫始還關中高祖滅後秦坦兄弟從過江時江東王

謝諸族方盛北人晚渡者朝廷悉以僉荒過之雖復人才可施皆不得踐清塗宋主嘗與坦論金日磾曰恨今無復此輩人坦曰日磾假生今世養馬不暇豈辦見知宋主變色曰卿何量朝廷之薄也坦曰請以臣言之臣本中華高族世業相承直以南渡不早便以僉荒賜隔況日磾胡人身為牧圉乎宋主默然

集覽

仕張氏張氏注見元嘉十六年僉荒僉仕行反顧師古曰吳人罵楚人曰僉晉陽秋云吳人謂

中州人曰僉蕭望之曰戎狄荒服言其來服荒忽無常也金日磾漢武帝時匈奴休屠王太子名日磾元狩二年沒入官輸黃門養馬後拜為馬監遷侍中駙馬都尉上甚信愛之賜姓金氏磾音都奚切此輩人言今無此質實河西郡名注見漢安帝元初元年關等好人質實中注見唐玄宗開元十一年京兆杜垣杜陵人預之後王謝謂王導謝安也金日磾張掖人休屠王子漢建武初沒入官武帝奇其狀貌拜為

侍中賜姓金氏嘗欲納其女於後宮日磬不肯後為車騎將軍與霍光同受遺詔輔政著忠勲之節封柁

侯卒諡曰敬

八月魏長安鎮將陸侯討蓋吳斬之安定胡劉超反侯

又斬之考異

討當作擊

蓋吳七杏城聲勢復振魏遣高涼王那等討破之獲其二叔諸將欲送詣平城長安鎮將陸侯曰長安險固風俗豪伎今不斬吳變未已也吳一身偕竄非其親信誰能獲之然停十萬之衆以追一人又非長策不如私許吳叔免其妻子使自追吳禽之必矣諸將咸曰得賊不殺而更遣之若其不返將何以任其罪侯曰此罪我為諸君任之高涼王那亦以為然遂與刻期而遣之及期不至諸將皆咎侯侯曰彼伺之未

得其便爾必不負也後數日果以吳首來傳詣平城
討其餘黨悉平之以俟為內都大官會安定盧水胡
劉超復反魏主以俟威恩著於關中復遣鎮長安俟
單馬之鎮超等聞之大喜以俟為無能為也俟既至
喻以成敗誘納其女以招之超無降意俟乃帥帳下
往見之超設備甚嚴俟縱酒盡醉而還頃之復選敢
死士五百人出獵因詣超營約曰發機當以醉為限
既飲俟陽醉上馬大呼手斬超首士卒應聲縱擊殺
傷千數遂平之魏主賈實一統志云高涼古邑名春
復徵俟為外都大官賈實秋時晉侯治兵于稷即此
漢為河東郡聞喜縣地後魏置高涼縣屬龍門郡後
周移縣治玉壁縣北齊置勳州隋屬絳州遷治於汾
水北改曰稷山縣以山為名唐屬河中府
宋金元俱屬絳州本朝因之隸平陽府

書法

書又斬之
重嘉俟也

吐谷渾復還故土

丁宋元嘉二十四年春三月魏殺沮渠牧犍

亥魏太平真君八年

魏師之克敦煌也沮渠牧犍使人斫開府庫取金玉及寶器至是守藏者告之且言曰牧犍蓄毒藥潛殺

人前後以百數姊妹皆學左道有司索其家果得所匿物魏主大怒賜沮渠昭儀死并誅其宗族又有告

牧犍猶與故臣民交質實左道注見唐武通謀反者乃詔賜死宗會昌元年

書法

魏殺赫連定書故夏主牧犍故涼王也則何以不書已降也是故姚泓不書牧犍不書皆

已降也綱目之筆削嚴矣

宋鑄大錢

初宋主以貨重物輕改鑄四銖錢民多剪鑿古錢取銅盜鑄江夏王義恭建議議請以大錢一當兩右僕射何尚之議泉貝之興以估貨為本事有交易宜假多鑄數少則幣重數多則物重多少雖異濟用不殊況復以一當兩徒崇虛債者邪若今制遂行富人之化負自倍貧者彌增其困懼非所以使之均一也宋主卒從義恭覽泉貝索隱曰錢本名泉言貨之流如泉也恭議集覽泉貝海介蟲也古者貨貝而寶龜周有泉至秦廢貝行錢漢食貨志大貝北質實四銖錢注見貝公貝小貝不成貝凡五種漢文帝六年

宋衡陽王義季卒

義季自義康之貶遂縱酒不事事以至成疾而終

冬十月宋胡誕世據豫章反討平之

胡藩之子誕世殺豫章太守據郡反欲奉前彭城王義康為主前交州刺史檀和之去官歸過豫章擊斬

之質實

胡藩豫章人

楊文德據葭蘆五郡氏皆應之質實

葭蘆城名注見元嘉二十一年

戊宋元嘉二十五年

春正月魏人擊楊文德文德敗走

漢中宋免其官削爵土質實

漢中郡名注見周赧王四年

○魏山東

饑罷塞園役者質實

一統志云山東古青兗二州地漢置青州部刺史領北海濟南齊琅

邪東萊五郡高密膠東淄川城陽四國又置兗州部刺史領東泰山濟陰平原清河渤海千乘七郡東平一國後漢刺史如故兗治昌邑青治臨淄唐置河南河北二道採訪處置使而河南治汴河北治魏以青兗諸郡分隸

馬宋置京東東路京東西路河北東路三安撫司並以
守臣兼領元以山東直隸省部置山東東西道宣慰司
治益都又置山東東西道肅政廉訪司治濟南本朝置
山東等處承宣布政使司領濟南兗州東昌青州登州
萊州六府云 ○宋吏部尚書庾炳之有罪免

炳之性強急輕淺多納賄賂為有司所糾上質實何
欲不問僕射何尚之極陳其短乃免其官質實尚
之安慶
潛人

夏四月宋以武陵王駿為徐州刺史

彭城太守王玄謨上言彭城要兼水質實武陵郡名
陸請以皇子撫臨州事故有是命注見漢光

武建武二十四年王玄謨太原祁人魏
之子徐州注見秦始皇二十八年彭城

宋罷大錢

當兩大錢行之經時
公私不以為便罷之

秋悅般國遣使如魏

西域悅般國去平城萬有餘里遣使詣魏請
與魏東西合擊柔然魏主許之
中外戒嚴
質實西域

國名注見漢宣帝神爵二年悅般西域國名注
見元嘉十二年平城縣名注見漢高帝七年

魏擊焉耆龜茲冬十二月破之西域平質實
焉耆西域國名注見

元嘉十二年龜茲西域國名
注見漢光武建武二十二年
○魏主伐柔然不見虜而

還質實
柔然北狄國名注見晉
孝武帝太元十二年

已宋元嘉二十六年春正月魏主復伐柔然可汗遁走
且魏太平真君十年

質實

可汗夷狄君長之號
見漢後主景耀四年

○秋七月宋以隨王誕為

雍州刺史

宋主欲經畧中原羣臣爭獻策以迎合取寵王玄謨
尤好進言宋主謂侍臣曰觀玄謨所陳令人有封狼
居須意御史中丞袁淑曰陛下今當席卷趙魏檢王
岱宗臣逢千載之會願上封禪書宋主悅以襄陽外
接關河欲廣其資力乃罷江州軍府文
武悉配雍州湘州入臺租稅悉給襄陽
今我遂起北伐之意也須通作胥狼居胥匈奴中
名漢武元狩四年霍去病擊匈奴出代右北平二十
餘里絕大漠封狼居胥禪於姑衍而還檢王岱宗檢
王注見漢光武建武中元元年代宗注見漢章帝元

和二年封禪書史記封禪書注正義曰此泰山上築土為壇以祭天報天之功故曰封此泰山下小山上除地以祭報地之功故曰禪言禪者神之也白虎通云或曰封者金銀繩或曰石泥金繩封之印璽也五經通義云易姓而王致太平必封泰山禪梁父荷天命以為王使理羣生告太平於天報羣神之功也

正誤

願上封禪書今按此欲效司馬相如事相如本死時為一卷書曰有使來求書奏之其遺札書

言封實實

中原注見唐元宗天寶十五載袁淑陽夏人豹之子江州注見漢獻帝建安十二年

襄陽州注同上興平元年襄陽縣名注見明帝夫始元年王元謨太原祁人

九月魏主伐柔然大獲

魏主伐柔然高涼王那出東道畧陽王羯兒出中道柔然處羅可汗悲國中精兵圍那數十里那掘塹堅

守相持數日處羅數挑戰輒為那所敗以那衆少而堅疑大軍將至解圍夜去那追之九日夜處羅益懼棄輜重踰穹隆嶺遠遁那收其輜重引軍還與魏主會於廣澤羯兒收衆然民畜凡百餘萬自是衆然衰弱屏跡不**質實**畧陽郡名注見晉懷帝永嘉四年敢犯魏塞

冬宋雍州蠻反

沔北諸山蠻寇雍州將軍沈慶之帥參軍柳元景隨郡太守宗慤等討之八道俱進先是諸將討蠻者皆營於山下蠻得據山發矢石以擊官軍多不利慶之曰去歲蠻田大稔積穀重巖不可與之曠日相守也不若出其不意衝其腹心破之必矣乃命諸軍斬木登山鼓譟而前羣蠻震恐因其恐而擊之所向奔潰**質實**沔北沔水之北注見漢獻帝建安十三年宗慤南陽人鼓譟號調也又曰誼呼也

庚宋元嘉二十七年魏
寅太平真君十一年

春正月宋將軍沈慶之討蠻平

之考異

此誤書討當作擊據後書魏擊焉者龜茲伐柔然不書討

沈慶之自冬至春屢破山蠻因其寂以充軍食幸諸山大羊蠻遇險築城守禦甚固慶之命諸軍連營於山中開門相通各穿池於營內朝夕不外汲蠻潛兵夜來燒營諸軍以池水沃火多出弓弩夾射之蠻兵散走蠻所據險固不可攻慶之乃置六戍以守之質久之蠻食盡稍稍請降悉遷於建康以為營戶

實

沈慶之吳興武康人

二月魏主侵宋圍懸瓠

魏主將伐宋宋主聞之敕淮泗諸郡若魏寇小至則各堅守大至則拔民歸壽陽邊戍偵候不明魏主自

將步騎十萬奄至南頓潁川太守並棄城走是時豫
州刺史南平王鐔鎮壽陽遣參軍陳憲守懸瓠城中
戰士不滿千**集覽**曰遊偵左傳謂之謀今謂之細作
人魏主圍之**集覽**曰遊偵左傳謂之謀今謂之細作
候邏也南頓注見漢光武建武
十九年懸瓠縣名屬汝南郡**質實**懸瓠城名注見
九年豫州注同上年南平郡
名注見晉惠帝永興二年

三月宋滅百官俸

以軍興減內外
官俸三分之一

夏四月魏師還

魏人晝夜攻懸瓠作高樓臨城以射之天下如雨城
中負戶以汲施大鉤於衝車之端以牽樓堞壞其南

城陳憲內設女牆外立木柵以拒之魏人填塹肉薄登城憲督屬將士苦戰積屍與城等魏人乘屍上城短兵相接憲銳氣愈奮戰士無不一當百殺傷萬計城中死者亦過半魏遣永昌王仁驅所掠六郡生口北屯汝陽宋主遣間使命武陵王駿發騎襲之駿發百里內馬得千五百匹分為五軍遣將軍劉泰之等將之直趨汝陽魏人唯慮救兵自壽陽來不備彭城泰之等潛進擊之殺三千餘人燒其輜重魏人奔散諸生口悉得東走魏偵知泰之等兵無後繼復引兵擊之士卒驚亂走死免者九百餘人馬還者四百匹魏主攻懸瓠四十二日宋主遣南平內史臧質司馬劉康祖共救懸瓠魏主遣任城公乞地真逆拒之質等擊斬乞地真四月魏主引兵還宋以陳憲為龍驤將軍魏主遣宋主書曰前蓋吳反逆扇動關隴彼復使人誘之是曹正欲譎誑取賂豈有遠相服從之理為大丈夫何不自來取之而以貨誘我邊民我今至

此所得孰與彼多彼又北通蠕蠕西結赫連沮渠吐
谷渾東連馮弘高麗凡此數國我皆滅之彼豈能獨
立邪我今北征先除有足之寇以彼無足故不先討
耳我當顯然往取揚州不若彼翳行竊步也彼前使
裴方明取仇池既得之疾其勇功已不能容有臣如
此尚殺之烏得與我校邪彼嘗欲與我一交戰我亦
不癡復非苻堅何時與彼交戰晝則遣騎圍遶夜則
離彼百里外宿吳人止有所營伎不過行五十里天
已明矣其首豈得不為我有哉彼公時舊臣
雖老猶有智策知今已設盡非天資我邪
集覽 戶
以汲負護也半門曰戶引水於井曰汲謂汲水者背
負其戶以禦流矢衝車注見晉安帝義熙五年樓
城上之樓櫓女垣也垣以白堊之故曰粉堞肉薄注
見晉安帝義熙十三年生口生獲之人也馮弘北燕
王姓名翳行翳隱
質實 短兵相接注見漢高帝五年
也謂隱蔽而行也
汝陽縣名注見漢後主延熙

十八年任城國名注見

漢明帝永平十四年

宋以江湛為吏部尚書

湛性公廉與僕射徐湛之並為上所寵信時稱江徐

六月魏殺其司徒崔浩夷其族

浩自恃才畧及為魏主所寵任專制朝權嘗薦士數十人皆起家為郡守太子晃曰先徵之人亦州郡之選也在職已久勤勞未答宜先補郡縣以新徵者代為郎吏且守令治民宜得更事者浩固爭而遣之中書侍郎高允聞之曰崔公其不免乎苟遂其非而校勝於上將何以堪之魏主使浩允等共譔國記曰務從實錄著作令史閔湛郝標性巧佞浩常注易及論語詩書湛標上疏言馬鄭王賁不如浩之精微乞收

境內諸書班浩所注令天下習業浩亦薦湛標有著述才湛標又勸浩刊所撰國史于石以彰直筆允聞之謂著作郎宗欽曰湛標所營分寸之間恐為崔門萬世之禍吾徒亦無噍類矣浩竟刊石立於郊壇東方百步所書魏之先世事皆詳實列於衢路北人無不忿恚相與譖浩以為暴揚國惡魏主大怒使有司按浩及秘書郎史等罪狀初遼東公翟黑子奉使并州受布千匹事覺謀於高允允曰公帷幄寵臣有罪首實庶或見原不可重為欺因崔鑑謂曰首實罪不可測不如諱之黑子怨允曰君柰何誘人就死地遂不以實對魏主殺之魏主使允授太子經及崔浩被收太子召允謂曰吾自導卿至尊有問但依吾語太子入言高允小心慎密且制由崔浩請赦其死魏主問曰國書皆浩所為乎對曰太祖記前著作郎鄧淵所為先帝記及今記臣與浩共為之然浩所領事多總裁而已至於著述臣多於浩魏主怒曰允罪甚於

浩何以得生太子懼曰天威嚴重允小臣迷亂失次耳臣鄒問皆云浩所為魏主問信如東宮所言乎對曰臣罪當滅族不敢虛妄殿下哀臣欲勾其生耳魏主顧謂太子曰直哉此人情所難而允能為之臨死不易辭信也為臣不欺君貞也宜特除其罪以旌之遂赦之召浩臨詰浩惶惑不能對允事事申明皆有條理魏主命允為詔誅浩及僚屬僮史凡百二十八人皆夷五族允持疑不為帝頻使催切允曰浩之所坐若更有餘豈非臣敢知若直以觸犯罪不至死魏主怒命武士執允太子為之拜請魏主意解乃曰無斯人當更有數千口死矣六月詔誅浩夷其族餘皆誅其身他日太子讓允曰吾欲為卿脫死而卿終不從激怒帝如此每念之使人心悸允曰夫史者所以記人主善惡為將來勸戒故人主有所畏忌慎其舉措崔浩孤負聖恩以私欲沒其廉潔愛憎蔽其公直不為無罪至於書朝廷起居言國家得失此為史之

大體未為多違臣與浩實同其事死生榮辱義無獨殊誠荷殿下再造之慈違心苟免非臣所願也太子動容稱嘆允退謂人曰我不奉東宮指導者恐負翟黑子故也魏主既誅浩而悔之會北部尚書宣城公李孝伯病篤或傳已卒魏主悼之曰李宣城可惜既而曰朕失言崔司徒可惜李宣城可哀孝伯順從父弟也自浩已誅軍國諫議皆出孝伯寵眷亞於浩

集覽

反馬鄭王賈東漢馬

融鄭玄鄭興賈逵三國魏王肅無唯類注見漢宣帝地卽四年餘豐猶言別罪也豐許慎反質實

馬鄭王賈馬融茂陵人美辭貌有俊才受學摯恂博通經籍漢永初間拜為校書郎以忤鄧氏滯東觀十年不得調後為河間王廐長史召拜郎中桓帝時為南郡太守融才高博洽為世通儒教養諸生常有千數坐高堂施絳帳前授生徒後列女樂所著述甚富鄭玄北海高密人漢桓帝時入關從馬融受學後歸

鄉里學徒相隨者數千人孔融深敬之玄嘗道過黃
中賊數萬人見玄皆拜相約不入縣境袁紹帥冀州
大會賓客競設異端百家互起玄隨方辨對咸出問
表莫不嘆服鄭興開封人學公羊春秋兼通左氏學
者遠近師之嘗與劉歆條列章句傳詁及校三統歷
漢建武中徵為大中大夫賈逵平陵人父徽受左氏
春秋兼習國語周官尚書毛詩逵悉傳其業尤憫
有大節漢明帝時拜為侍中至和帝時內備帷幄兼
領祕書甚見信用所著經傳義詁及論難百餘萬言
學者宗之稱為通儒王肅東海郡人少聰慧性善賁
馬之學魏明帝時拜為散騎常侍遷太常卿累官至
光祿勳嘗訂定父朗所作易傳皆列于學官其所論
駁朝廷典制郊祀宗朝喪紀輕重凡百餘篇及作周
易毛詩禮記春秋等傳國語爾雅太玄等注崔鑣博
陵武平人悼之子洪六世孫東宮釋名云太子曰東
宮選詩云正體育德於少陽注謂太子繼天子之體

育德東宮少陽者東方也又震為長子蓋東屬震故立宮于東方曰東宮宣城郡名注見漢明帝永平十三年李孝伯趙郡平棘人曾之子

發明

周官司寇八議有議故議賢議功議貴之典崔浩自其父宏仕魏實為世臣浩歷事三朝

身為上公才畧獨優運籌制勝屢有成績自八議言之浩居其四而乃一觸忌諱遽赤其族凶暴之國尚可立其朝哉拓跋本夷狄進於中國而未純乎中國故其所為如此書殺司徒崔浩夷其族之也

蓋甚之也

秋宋人大舉侵魏取碯礮圍滑臺冬十月魏主自將救之宋將軍王玄謨退走

宋主欲伐魏升陽尹徐湛之高書江湛寧朔將軍王
玄謨等並勸之將軍劉康祖以為歲月已晚請待明
年宋主曰北方苦虜虐政義徒並起頗兵一周向義
之心不可沮也校尉沈慶之諫曰我步彼騎其勢不
敵檀道濟再行無功到彥之失利而返今料王玄謨
等未踰兩將六軍之威不過往時恐重辱王師宋主
曰道濟養寇自資彥之中塗疾動虜所恃惟馬今夏
水浩汗河道流通汎舟北下碣磳必走滑臺易拔亢
此一城館穀弔民虎牢洛陽自然不固比及冬初城
守相接虜馬過河即成擒也慶之又固陳不可宋主
使湛之等難之慶之曰治國譬如治家耕當問奴織
常訪婢陛下今欲伐國而與白面書生輩謀之事何
由濟宋主大笑太子劬及將軍蕭思話亦諫皆不從
魏主復與宋主書曰彼此和好日久而彼志無厭請
我邊民又聞彼欲自來彼年已五十未嘗出戶雖自
力而來如三歲嬰兒與我鮮卑生長馬上者果如何

哉七月宋主遣王玄謨帥沈慶之申坦水軍入河受
督於青冀刺史蕭斌臧質王方回徑造許洛駿鑠東
西齊舉劉秀之震盪沂隴義恭出次彭城為衆軍節
度是時軍旅大起王公妃主及朝士牧守下至富民
各獻金帛雜物以助國用又以兵力不足悉發六州
三五民丁倩使斃行募中外有馬步衆藝武力之士
應科者皆加厚賞有司奏軍用不充富民家貲滿五
十萬僧尼滿二十萬並四分倍一事息即還建武司
馬申元吉趣碣磳使王玄謨進闕滑臺隨王誕遣雍州
慶之留守碣磳使王玄謨進闕滑臺隨王誕遣雍州
參軍柳元景將軍尹顯祖會方平薛安都龐法起將
兵出弘農參軍龐季明年七十餘自以闕中豪右請
入長安招合夷夏誑訐之乃自賞谷入盧氏盧氏民
趙難納之季明誘說士民應者甚衆安都等因之自
熊耳山出元景繼進南平王鑠遣豫州參軍胡盛之
出汝南梁坦出上蔡向長社王陽兒擊豫州魏荆豫

刺史魯爽僕蘭皆棄城走鑠又遣司馬劉康祖助坦
進逼虎牢魏羣臣初聞有宋師言於魏主請遣兵救
緣河穀帛魏主曰馬今未肥天時尚熱速出必無功
若兵來不止且還陰山避之國人未著羊皮袴何用
綿帛展至十月吾無憂矣九月魏主引兵南救滑臺
命太子晃屯漠南以備柔然王玄謨士衆甚盛器械
精嚴而玄謨貪悞好殺初圍滑臺城多茅屋衆請以
火箭燒之玄謨曰彼吾財也何遽燒之城巾即徹屋
穴處時河洛之民競出租穀操兵來赴者日以千數
玄謨不即其長帥而以配私暱家付匹布責大槩八
百由是衆心失望攻城數月不下間魏救將至衆請
發車為營玄謨不從十月魏主夜渡河衆號百萬鞞
鼓之聲震動天地玄謨懼退走魏人追擊之死者萬
餘人麾下散亡畧盡委棄軍資器械山積先是玄謨
遣垣護之以百舸為前鋒據石濟護之聞魏兵將至
馳書勸玄謨急攻曰昔武皇攻廣固死沒甚衆況今

事迫於曩日豈得計士衆傷疲願以屠城為急玄謨
不從魏人以所得戰艦連以鐵鎖三重斷河以絕護
之還路河水迅急護之中流而下每至鐵鎖以長柯
斧斷之魏不能禁唯失一舸餘皆完備而返蕭斌遣
沈慶之將五千人救玄謨慶之曰玄謨士衆疲老寇
虜已逼小軍輕往無益也斌固遣之會玄謨遁還斌
將斬之慶之固諫曰佛狸威震天下控弦百萬宜玄
謨所能當且殺戰將以自弱非良計也斌乃止斌欲
固守碕磨慶之曰今青冀虛弱而坐守窮城若虜衆
東過清東非國家有也碕磨孤絕復作朱修之滑臺
耳會詔使至不聽退師斌復召諸將議之慶之曰圖
外之事將軍得以專之詔從遠來不知事勢節下有
一范增不能用空議何施斌及坐者並笑曰沈公乃
更學問慶之厲聲曰衆人雖知古今不如下官耳學
也斌乃使王玄謨戍碕磨中坦坦集覽碕磨注見晉
護之據清口自將諸軍還歷城

九年滑臺注同上年館穀注見隋煬帝大業十二年
自力而來用力勉強曰力漢書申公曰顧力行如何
耳駿鑠武陵王名駿南平王名鑠汧水隴山相
連皆在扶風汧注見漢光武建武六年隴注見梁武
帝普通五年盧氏縣名屬弘農郡按弘農唐改虢州
今改嵩州熊耳山索隱曰在弘農盧氏縣伊水所出
括地志云熊耳山在虢州盧氏南五十里汝南注見
漢光武建武十九年上蔡注見秦二世二年長社注
見漢光武建武八年不即其長帥即就也言當就用
其來赴者之長帥佛狸魏太武小字復作朱脩之滑
臺先是到彥之北侵自河南回留脩之守滑臺明年
魏將安頡攻破之囚脩之節下有一范增不能用節
下稱蕭斌也謂節制之下猶言麾下閣下也漢高帝
曰項氏之所以失天下者何有一范增而不能用此
所以為我擒也今沈慶質實寧朔將軍未詳其義按
之以喻蕭斌不用其言質實事物紀原云宋真宗祥

符四年九月宣示咸平中朕因揀閱諸州招到兵士
為有人材堪充馬軍者置寧朔指揮此云寧朔將軍
疑亦此義也虎牢縣名注見晉帝奕太和四年洛陽
縣名注見周顯王三年許洛二州名許注見漢獻帝
興平元年許昌洛注見秦莊襄王元年三川薛安都
河東汾陰人濟青二州名濟注見晉帝奕太和元年
高平青注見漢桓帝永康元年賞谷未詳處所盧氏
縣名注見元嘉十二年辛一統志云熊耳山在河南
府盧氏縣西南五十里山連永寧界兩峯相並如熊
耳禹貢導洛自熊耳即此又宜陽縣亦有熊耳山史
記漢光武破赤眉積甲宜陽城與熊耳山脊是也又
陝州東熊耳山乃連磨塋處其塔尚存魯爽鄆人軌
之子河洛二水名河即黃河水自西安府潼關界流
入河南府閿鄉縣境經靈寶陝州澠池新安洛陽孟
津鞏縣入開封府界洛注見漢高后三年廣固城名
注見晉穆帝永和七年清口清河之口注見元嘉七

年歷成縣名注見漢
光武建武五年歷下

書法

前再書宋伐魏矣此書大舉而止曰侵何忿
兵也蓋自宋討楊難當而魏救之魏討蓋吳

而宋援之於是魏再侵宋今之此舉則亦交侵而
已矣故其後魏復取碣礪不繫之宋不與此舉之
復也為克

發明

宋有援蓋吳之事魏人不能問罪至是年四
月分注於魏師還之下備載魏主遣宋主書

首責及此則是其曲蓋在宋也然魏兵既退宋人
盡知自反今乃不然反大起軍旅以伐之果何義
哉是時魏復與宋書且有彼此和好日久彼志無
厭誘我邊民之語而在宋則初無詞可執也夫師
出無名事故不成宋之此舉名義既已索然烏在
其能成功然則中原淪於夷虜置之不問可乎曰

此在晉則可言克復爾今宋非其故上固當養威俟時胡可輕舉妄動以自詒伊戚哉是以綱目既書大舉而復書侵以陋之至魏則書救以見其為應兵此益輕重之權衡也烏有堂堂大舉而僅能侵人之國者哉噫

十一月魏主進至魯郡以太牢祠孔子

魏主命諸將分道並進永昌王仁自洛陽趣壽陽尚書長孫真趣馬頭楚王建趣鍾離高涼王邴自青州趣下邳魏主自東平趣鄒山十一月禽魯郡太守崔邪利見秦始皇石刻使人排而仆之以太牢祠孔子

質實馬頭山名按一統志有二處一在應天府六合縣東北三十五里山勢雄秀絕頂一石高丈餘中一穴水清而不竭世傳有龍居焉一在滁州來安縣北七十里俗傳有龍經過又石上有人馬足跡未

知孰是明者察焉鍾離縣名注見梁武帝天監六年
下邳縣名注見漢高帝六年東平郡名注見漢獻帝

興平元年鄒山注見秦始皇二十八年鄒嶧魯郡注
見漢獻帝興平二年兗州秦始皇石刻即秦碑在濟

南府秦安州北五里泰山秦觀峯東南刻秦始皇封
泰山制水相李斯所篆又南有磨崖碑唐玄宗御製

泰山銘秦漢以來碑刻不可勝紀剝落者
多太牢注見唐太宗貞觀十九年少牢

書法

漢章祠孔子書至此書進至何嘉專也魏主
方事干戈而知崇先聖特為此行綱目書曰

進至且以以太牢書同於高帝宜矣終綱目書祠
孔子五書謁孔子祠一詳漢高帝十二年而魏書

祠孔子者再是年一書
進至一書如皆予其專之辭也

發明

拓跋夷虜在戎馬之中猶知尊聖人典午氏
中原正統請修孔子廟乃寢而不報綱目皆

明書于冊所謂夷狄之
有君不如諸夏之亡也

雍州參軍柳元景大破魏師于陝斬其將張是連提進

據潼關而還考異

雍上漏宋字

考證

當加宋字於雍州之上謹按凡例曰凡無統

畧如春秋書他國事事各冠以國號不連書後倣此

宋畧陽太守龐法起等諸軍入廬氏斬縣令以趙難
為令使為卿導柳元景等進攻弘農拔之進向潼關
詔以元景為弘農太守元景使薛安都尹顯祖先引
兵就法起等於陝元景於後督租陝城險固攻之不
拔魏洛州刺史張是連提帥眾二萬度峭救陝安都
等與戰於城南魏人縱突騎諸軍不能敵安都怒脫
兜鍪解鎧馬亦去其裝順目橫矛單騎突陳所向無
前魏人夾射不能中如是數四殺傷不可勝數日暮

別將魯元保引兵自函谷關至魏兵乃退明日安都等陳於城西南魯方平謂安都曰今勅敵在前堅城在後是吾取死之日卿若不進我當斬卿我若不進卿斬我也安都曰善遂合戰軍副柳元佑引兵自南門鼓譟直出旌旗甚盛魏衆驚駭安都挺身奮擊流血凝肘矛折易之更入諸軍齊奮自旦至日晏魏衆大潰斬張是連提及將卒三千餘級其餘赴河墜死者甚衆降者二千餘人明日元景至讓降者曰汝輩本中國民今為虜盡力力屈乃降何也皆曰虜驅民戰後出者滅族以騎蹙步未戰先死此將軍所親見也諸將欲盡殺之元景曰王旗北指當令仁聲先路盡釋而遣之皆稱萬歲而去遂克陝城進攻潼關據之關中豪傑所在蠭起及四山羌胡皆來送款宋以王玄謨敗退魏兵深入柳元景等不宜獨進皆召還元景使薛安都斷後引兵歸集覽仁聲先路言當修襄陽詔以元景為襄陽太守仁政以為前導也

孟子曰仁者無敵離騷經來騷
騷以馳騁兮來吾道夫先路
質實陝縣名注見周

一統志云嶠水名在河南府永寧縣北六十里源出
嶠山流入于洛兗鑿事物紀原云兗鑿冑也黃帝內
傳所述蓋玄女請帝製之以備身也淮南子紀論訓
曰有鑿頭而綵頰以王天下者矣許慎注曰蓋三皇
所以鑿頭者兗鑿帽也則是黃帝之制冑亦以古鑿
頭之事耳故自古以兗鑿為首銕之名玉谷關注見
陳文帝天嘉六年蟲
起注見秦二世二年

發明

王元謨首建北伐之謀親將大衆望風退走
柳元景偏裨別將破敵成功宋主不能顯加

賞戮此固佛經之所望而
侮者尚可與之校勝負哉

魏永昌王仁克懸瓠遂敗宋師于尉武殺其將劉康祖

進逼壽陽

卷二十五下

魏永昌王仁攻懸瓠項城拔之宋主恐魏兵至壽陽
召劉康祖使還仁將八萬騎追及康祖於尉武康祖
有衆八千人軍副胡盛之欲依山險間行取至康祖
怒曰臨河求敵遂無所見幸其自送柰何避之乃結
車營而進下令軍中曰顧望者斬首轉步者斬足魏
人四面攻之將士皆殊死戰自旦至脯殺魏兵萬餘
人流血沒踝康祖身被十創意氣彌厲魏分其衆為
三且休且戰會日暮風急魏以騎負草燒車營康祖
隨補其闕有流矢貫康祖頸墜馬死餘衆遂潰魏人
掩殺殆盡南平王鑠仗參軍王羅漢以三百人戍尉
武魏兵至衆欲南依卑林以自固羅漢以受命居此
不去魏人攻而擒之鑠其頸使三郎將掌之羅漢夜
斷三郎將首抱鎖亡奔盱眙仁集覽
進逼壽陽南平王鑠嬰城固守集覽
流血沒踝兩旁曰

內外踝沒踝言質實項城縣名注見梁武帝太清二
流血如此深也質實年尉武疑是縣名未詳處所哺
釋名曰日出申曰哺平林疑是地名未
詳處所盱眙縣名注見秦二世二年

魏主攻彭城不克

魏軍在蕭城去彭城十餘里彭城兵雖多而食少江
夏王義恭欲棄彭城南歸沈慶之以為歷城兵少食
多欲為函箱車陳以精兵為外翼奉二王及妃女直
趨歷城何勗欲席卷奔鬱洲自海道還京師義恭去
意已判唯二議未決長史張暢曰若歷城鬱洲有可
至之理下官敢不高贊今城中乏食百姓咸有走志
但以關局嚴固耳一旦動足則各自逃散欲至所在
何由可得今軍食雖寡朝夕猶未窘罄豈有捨萬安
之術而就危亡之道若此計必行下官請以頸血汚
公馬蹄武陵王駿謂義恭曰阿父既為總統去留非

所敢干道民忝為城主必與此城共其存沒張長史
言不可異也義恭乃止魏主至彭城使尚書李孝伯
至南門餉義恭貂裘餉駿橐駝及騾且曰魏主致意
安北可斲出見我駿使張暢開門出見之孝伯曰魏
主不聞此城自帥眾軍直造瓜步飲江湖以療渴爾
暢曰去留之事自適彼懷若虜馬遂得飲江便為無
復天道先是童謠云虜馬飲江水佛狸死卯年故暢
云然暢音容雅麗孝伯亦辯膽且去謂暢曰長史深
自愛相去步武恨不執手暢曰君善自愛

集覽

蕭城地理

志沛郡有蕭縣括地志云徐州縣也古蕭叔國城彭
城注見秦始皇二十八年歷城注見元嘉七年鬱洲
在東海中周數百里宋明帝泰始二年青冀二州僑
治於此累石為城闕局闕謂城寨門也局涓焚反外
閉之關也道民武陵王駿自稱其小字貂裘注見漢
宣帝神爵元年貂狐瓜步山名在今真州西南六十

里屬六合縣南濱大江沿滁河入六合縣三十里宋
藝祖以舟師伐李璟於瓜步振旅凱旋因名曰回軍
渡相去步武步布武跡也言至近也記曲禮堂上接
武堂下布武錢氏曰每移足半躡之中人之迹尺二
寸
質實
一統志云蕭城即蕭子國城在徐州蕭縣治
北城臨古汴水來邑春秋時封子姓別為附
庸左傳謂宋羣公奔蕭是也鬱洲山名注見晉安帝
隆安五年郁州案駢獸名注見漢武帝太初三年瓜
步山名在揚州府儀真縣西四十七里魏太武帝南
伐起行宮於此處諸軍同日皆臨江即此山有盤道
及太武所鑿井劉宋鮑照文云瓜步山因迫為高據
絕作雄凌清瞰遠擅奇含秀是亦居勢使之然也

宋取陰平平武郡

宋主起楊文德為輔國將軍引兵自漢中西入枹動
汧隴陰平平武悉平梁南秦刺史劉秀之遣文德伐

啖提氏不克執送荊州使集覽陰平注見漢後主炎

文德從祖兄頭戍葭盧

集覽

興元年平武唐志為

平武隋志為武平晉立武平縣屬陰平郡後魏置江

油郡西魏改龍州隋煬帝廢為武平郡唐復為龍州

今屬利州西路啖提氏氏之號曰啖質實一統志云

提也氏注見漢武帝元狩元年氏苻質實平武古地

名周秦時為氏羌地漢為陰平道屬廣漢郡北部都

尉治此永平後置陰平郡蜀漢以陰平屬益州晉有

陰平平廣二縣屬陰平郡宋改為平武郡梁時為楊

傑李龍遠所據後魏得其地置江油郡治江油縣西

魏兼置龍州後周仍舊隋罷郡存州大業初廢州為

平武郡義寧初改為龍門郡唐貞觀初為龍門州垂

拱中改正州天寶初改江油郡領江油清川二縣至

德初改應靈郡乾元初復為龍州宋政和中改政州

紹興初復為龍州寶祐中徙治雍村元又徙治武都

後為龍州宣慰司本朝改為龍州宣撫司隸四川道

十二月魏主引兵南下攻盱眙不克進次瓜步宋人戒

嚴守江

魏主引兵南下使中書郎魯秀出廣陵高梁王那出山陽永昌王仁出橫江所過無不殘滅城邑皆望風奔潰建康纂嚴魏兵至淮上宋主使將軍臧質將萬人救彭城至盱眙魏主已過淮質使胡崇之等營東山前浦而自營於城南魏燕王譚攻之皆敗沒質軍亦潰質棄輜重器械單將七百人赴城初盱眙太守沈璞到官王玄謨猶在滑臺江淮無警璞以郡當衝要乃繕城浚隍積財穀儲石矢為城守之備僚屬皆非之朝廷亦以為過及魏兵南向守宰多棄城走或勸璞還建康璞曰虜若以城小不顧夫復何懼若肉薄來攻此乃吾報國之秋諸君封侯之日也奈何去之諸君嘗見數十萬人聚於小城之下而不敗者乎

昆陽合肥前事之明驗也衆心稍定璞收集得二十
精兵曰足矣及藏質向城衆謂璞曰虜若不攻城則
無所事衆若其攻城則城中止可容見力爾地狹人
多鮮不為患若以質衆能退敵完城者則全功不在
我若避罪歸都會資舟楫必更相蹂踐正足為患不
若勿受璞歎曰虜必不能登城敢為諸軍保之舟楫
之計固已久息虜之殘害古今未有屠剝之苦衆所
共見其中幸者不過得驅還北國作奴婢爾彼雖烏
合寧不憚此邪所謂同舟而濟胡越一心者也今兵
多則虜退速少則退緩吾寧可欲專功而留虜乎乃
開門納質質見城中豐實大喜因與璞共守魏人之
南寇也不齎糧用唯以抄掠為資及過淮民多竄匿
抄掠無所得人馬饑乏聞盱眙有積粟欲以為北歸
之資攻城不拔即留數千人守盱眙自帥大衆南向
由是盱眙得益完守備魏主至瓜步壞民廬舍及伐
葦為筏聲言欲渡江建康震懼民皆荷擔而立內外

戒嚴丹陽統內盡戶發丁王公以下子弟皆從役命
劉遵考等將兵分守津要遊邏上接于湖下至蔡州
陳艦列營周亘江濱自采石至于暨陽六七百里太
子劬出鎮石頭總統水軍徐湛之守石頭舍城江湛
兼領軍軍事處置悉以委焉宋主登石頭城有憂色
謂江湛曰北伐之計同議者少今日士民勞怨不得
無慙貽大夫之憂予之過也又**集覽**纂嚴纂集兵嚴
曰檀道濟若在宣使胡馬至此也猶曰戒嚴止
可容見力見形旬反謂見

質實

廣陵郡名注見漢武
帝元朔五年橫江注

在城中所有之兵力也

見漢獻帝興平元年一統志云東山前浦東山在鳳
陽府盱眙縣治東山有石洞左曰靈闕右曰劔壁洞
中曲折相通宛若仙界南山十景此居其首山上有
北望亭前浦疑即洪澤赤欄二浦洪澤在盱眙縣北
三十里舊名破釜澗隋煬帝幸江都經此時亢旱至
則遇雨下水泛遂更今名亦欄在盱眙縣城南舊於

浦上作赤欄橋因名二浦未知孰是姑錄之以備考焉肉薄注見晉安帝義熙十三年昆陽縣名注見漢帝玄更始元年合肥縣名注見漢靈帝中平四年于湖縣名注見晉明帝太寧元年蔡洲注見梁武帝太清二年采石山名在太平府城北二十五里牛渚北昔人於此取石因名臨江有磯曰采石唐李白嘗乘月與崔宗之自采石至金陵著宮錦袍坐舟中即此處暨陽古鄉名本秦漢昆陵縣地屬會稽郡晉初析置暨陽縣屬毘陵郡梁始置江陰郡及江陰縣隋初郡廢以縣屬常州又以利城梁豐二縣省入唐初於縣置暨州復析置暨陽利城二縣尋廢暨州及省二縣入江陰縣屬常州五代時南唐置江陰軍領江陰縣宋或為軍或為縣元初仍為軍後陞為江陰路後又降為州本朝初改連洋州尋復為江陰州後又為縣屬常州府石頭城名注見漢獻帝建安十七年倉城未詳處所

宋主北伐之舉初意云何今乃恐懼至此魏相有言爭恨小故者謂之忿兵兵忿者敗利

人土地者謂之貪兵兵貪者破其宗主
之謂乎書宋人戒嚴守江可愧甚矣

魏及宋平


魏主以橐駝名馬餉宋主求和請婚宋主亦餉以珍饈異味魏主以其孫示使者曰吾遠來至此非欲為功名實欲繼好援宋若能以女妻此孫我以女妻武陵王自今匹馬不復南顧使還宋主召羣臣議之衆謂宜許江湛曰戎狄無親許之無益太子劭怒謂湛曰今二王在阨詎宜苟執異議聲色甚厲坐散劭又言於宋主曰北伐敗辱數州淪破獨有斬江徐可以謝天下宋主曰北伐自是我意江徐但不異爾由是太子與江徐不平

集覽 好援並去聲好契愛

魏亦竟不成婚

質實 江

謂江湛徐
湛之也



御批資治通鑑綱目卷二十五下